

中國方志叢書·華北地方·第九二號

據 不著纂修人姓氏影印
民國三十一年鉛印本

河南省

河南通志輿地志山脈水系



成文出版社印行



10107661

中華民國五十七年八月臺一版

河南通志輿地志山脈水系

定價：新台幣三二〇元正

發行人：**黃成助**

臺北郵政信箱二二六〇五號

出版者：**成文出版社**

臺北郵政信箱二二六〇五號
電話：九二二〇一〇號

印刷者：**正大印製廠**

三重市長生街二號之一

內政部登記證內版臺業字第一一四七號

版權所有

民國三十一年一月出版

河南通志輿地志山脈水系

孫思仿署端

目錄

山脈

總論

嶺山

伏牛山

太行山

水系

前編

河系水

淮系水

入漢諸水

新編

河系水

淮系水

入漢諸水

共四卷

河南通志輿地志

山脈 總論

輿地論山脈者分古今二派古派爲地形家言謂大地之脈起於葱嶺分支別系統
蜒四奔起伏縱橫以布於世界各洲水源木本脈絡所自起均以葱嶺爲祖峯今派
爲地質家言謂大地山嶺皆由地質縞縞或斷裂而生以縞縞成者尤多橫壓力引
力強者縞縞坡度愈大而隆起愈高其因地震縞縞之度過高而崩裂者則爲斷層
故羣山叢脈約略爲同一時代聳起者曰山系諸山蒼萃排列成行者曰山脈山系
山脈造山時代不同而行列平行者曰山帶峯巒起伏方向無定者曰山地山帶輻
湊嶺接峯連者曰山羣因形勢以定名稱非有脈絡淵源之可尋也依前之說河南
當葱嶺之東微南故境內各山當求其脈於西北其言曰帕米爾居葱嶺之巔爲亞
洲之脊梁諸山系出焉其東走入我國者計四大系東北走者爲天山系阿爾泰山
系一橫臥新疆一盤紆外蒙東行者爲崑崙山系綿亘新藏蒙青中國本部及東北
諸省皆其敷布之幹支也東南行者爲喜馬拉雅山系聳峙藏境縱下西康崑崙山

系離葱嶺東南行爲喀喇崑崙山脈爲新疆與印度克什米爾之天然界山折東爲崑崙總幹臨新疆界上東行入新疆南部爲托古茲達坂卽冷嶺至新疆青海界上結爲勒科爾烏蘭達布遜山由此分支爲三一東北行爲崑崙北支陰山系一東行爲崑崙中支北嶺系一東南行爲崑崙南支南嶺系河南省境黃河以南之山脈屬於崑崙中支北嶺系黃河以北之山脈屬於崑崙北支陰山系北嶺系山脈至河南又分爲二一東北行於河洛之間爲崑崙山脈一東南行於伊水之南丹江之北包淮河流域諸水源爲伏牛山脈伏牛山脈之北支在伊洛間爲熊耳山脈卽洛甯宜陽等縣迤南之山脈在伊汝間爲嵩山山脈亦曰外方山山脈正幹由汝水之南東行而屈至桐柏縣南結爲桐柏山東南走豫鄂界上又東至豫皖交界爲大別山山脈其南行於涑水丹水之間者皆伏牛之南支也陰山系山脈入山西境爲管涔山山脈又東至晉豫冀三省間爲太行山山脈豫省黃河北諸山皆太行之支脈也由後之說河南居中國大陸中心境內山嶺與境外者接連構成之山脈各皆因地盤之昇以致有縉縞斷裂故各山造成之歷史不同其形勢亦各異要而舉之一

曰秦嶺山脈西連西傾祁連各山東延爲大散終南迄於華山亦卽狹義之秦嶺其質爲太古界片麻岩元古界片岩及古生界岩石而造山時代則在古生代後其縐縐變質甚烈再東入豫爲伏牛山脈包括穀山伏牛山嵩山而成秦嶺山脈之尾閭縐縐之度遠遜秦嶺幹脈其地質以秦嶺系花岡片麻岩五台系變質岩及玄武爲最多二曰太行山脈北起長城沿晉冀二省之界南入省境又折而西向以達於黃河北岸其地質以寒武奧陶紀及奧陶紀石灰岩爲多閃長岩次之石炭紀之煤系沿山脈之東迤南無不皆有山勢縐縐之度較高且多爲斷層三曰大別山脈自安徽天柱山西北跨湖北界入省境成爲淮南山地餘勢延至桐柏其地質爲五台系變質岩玄武岩與泰山系之片麻岩花岡岩三脈形勢秦嶺自西而東太行自北而南大別自東而西然太行西轉間黃河而接着虬桐柏餘勢隔南陽平原而望伏牛形接勢連在地質縐縐變動時亦未嘗無聯帶關係且論中國地質之構成不廢地形家言而地質一學比年雖有長足進步第勘查未周遽廢舊說敘述或感困難故茲篇以地形家言爲敘述之次第資條貫也以地質家言分注案語於各山之下重

實驗也今日以地質爲地學骨幹已成學術界不易之定軌他日測勘益精考證益確今派大成而古派自糟粕矣

嶠山山脈（卽河南境內河南洛北之山脈）

嶠山山脈屬於北嶺系山脈秦嶺之北支北嶺系山脈自勒科爾烏蘭達布遜山東行貫青海中央而稍南爲巴彥喀喇山脈長江黃河之分水嶺也又東爲匝巴顏喀喇山又東爲九里古拔達巴罕嶺東至四川與青海界上青海或作甘肅爲岷山岷江出焉是爲岷山山脈乃北嶺之正幹也又東爲朱圉山又東入陝西境蜿蜒渭水漢水之間爲秦嶺脈亦曰終南山山脈秦嶺脈逾嶢關而北起冢嶺山一名謹舉山洛水出焉自此分爲二一支東行入河南境爲伏牛山脈所自出一支東北行入河南境卽嶠山山脈所自出茲分幹脈與支脈述之

嶠山山脈之正幹

河南境內河南洛北山脈之正幹自陝西河南交界之五里廠起東南行陝西河南界上至蘆靈關南起浮山

案地質調查嶠山山脈爲伏牛山支脈之一西南自盧氏縣入境蜿蜒東北行橫亘於靈寶盧氏兩縣之間長約二百餘華里南界洛河北抵黃河南岸成一東北西南走向之山脊爲靈寶盧氏兩縣之大分水嶺其間山峯羅列高出雲表而山峯之較著者自西南而東北有大聖山觀音山鉄嶺山等高出海面均在一千餘公尺以上該山之南坡地勢較陡而北坡則勢較緩和至靈寶縣南川口鎮附近則變成黃土之平原矣

浮山 在靈寶縣西南九十里上有浮邱豐濟侯廟墓 靈寶縣志

又東南界靈寶盧氏爲雞籠山

雞籠山 在盧氏縣北八十里似雞形 盧氏縣志 與靈寶接界

又東北爲觀音山

觀音山 在盧氏縣西北百里澗北河水出焉上有觀音堂 盧氏縣志

又東南入盧氏境屈東北過鐵嶺

鐵嶺 在盧氏縣北四十里其地險峻乃南北通衢昔人曾置戍焉 盧氏縣志

又東南爲塔子山

塔子山 在盧氏縣東北五十里 盧氏縣志

又東北過廟嶺爲太平砦山

廟嶺 在盧氏縣北 測量局圖

太平砦山 在盧氏縣東北三十里昔人避亂於此寨蹟猶存 盧氏縣志

又東北爲石塔山爲王家山

石塔山 在太平砦山東北 測量局圖

王家山 在靈寶縣東與盧氏接界 測量局圖

轉東爲陝縣洛寧分界之乾山嶢嶢山

乾山 卽拈撥山在靈寶縣東南一百里蒼龍澗水出焉其北脈則入陝縣其東

脈則入洛寧山多森林插天壁立 調查表 靈寶縣志

嶢嶢山 名勝志嶢嶢山在永寧縣西北二十五里相傳廣成子憩息之所山接

陝縣界嶢嶢水出焉 測量局圖 洛寧縣志

又東北至陝縣境爲響瓶山又東北爲千嶠山

響瓶山 在陝縣城東一百里人入山中空谷相應故名雁翎關在其西青龍澗

水一名駝水出焉其西北有柴山陝州志測量局圖

千嶠山 在陝縣城東七十里一名嶽岑山卽春秋晉敗秦師處古稱嶠陵形勢

險塞千嶠水出焉其西北爲石嶠山千嶠石嶠間有南北二陵春秋左氏傳所謂

南陵夏后皋之墓北陵文王之所避風雨也卽此陝州志測量局圖

又東北入澠池縣爲羊耳山麒麟山雷公山

羊耳山 在澠池縣西北曰小口門山大口門山雙峯似羊耳故名澠池縣志

麒麟山 在澠池縣西北三十里俗名羊膊嶺其北有桃山澠池縣志

雷公山 一名鑿山在澠池縣西北二十餘里後澗河水出焉澠池縣志

又東爲韶山又東北爲方山又東爲白石山

韶山 一名雲門山在澠池縣北其西端曰五朵山五峯矗立如五朵蓮花秀出

雲表山南有金烏玉兔二峯金烏卽錐山玉兔卽簸箕山澗水在其東澠池縣志

方山 在澠池縣東北以山形平方故名 澠池縣志

白石山 古名廣陽山在澠池縣東北五十里澠池出焉 河南府志

又東北爲書山爲筆架山

書山 在白石山東北 澠池縣圖

筆架山 在書山東其東有馬團山西北有香爐山 澠池縣圖

折東南爲碁盤山又南轉東爲高頭山方山

碁盤山 在澠池縣東北上有山神廟俗呼爲五虎廟山其東有木蘭山黃龍洞

山水東山 澠池縣志
測量局圖

高頭山 一名馬頭崖有寺曰延恩寺 澠池縣志

方山 在澠池新安之交上有白起岩入新安爲紫荆山 澠池縣志

又東南入新安境爲邨山山脈

邨山 在澠池縣東東進入新安界此山山脈自澠池縣馬頭山至鞏縣神尾山

凡經六縣長三百八十里到處各異其名而脈絡相貫實一山也 河南府志

又東折北爲驍山

驍山在新安縣東北界其東北有穀城山一名晉亭山渥水出焉 測量局圖

又東北至孟津縣境爲宜蘇山又東南爲柏崖山爲丁紫山

宜蘇山 在孟津縣西七十二里 河南府志

柏崖山 一名柏嶺在孟津縣西六十里 河南府志

丁紫山 在孟津縣西五十五里 河南府志

又東南界孟津洛陽爲樊山

樊山 在孟津縣西五十里落架溝之東山下有墓傳爲漢舞陽侯樊噲葬處 調查表

又東南爲藥籃山鳳凰山黃花山三台山

藥籃山 在孟津縣西三十里其形如籃 調查表

鳳凰山 在洛陽縣東北四十里形如飛鳳故名亦名馮王山以後魏馮熙墓得名 洛陽縣志

黃花山 在孟津縣西十二里潘水出其下 河南府志

三台山 在孟津縣西南三里端嚴鼎峙 河南府志

又東至孟津洛陽偃師交界為嵒嶸山

嵒嶸山 在孟津城南二里山南西為洛陽界東為偃師界 調查表
測量局圖

又東跨偃孟界為馬鞍山又東為九女山龍門山還金山翠微山同盟山犁鏵山

馬鞍山 在偃師縣北界 測量局圖

九女山 在孟津縣東六里連起九墩矗直秀整俗傳一門九女葬父於其上

曰養父其中 河南府志

龍門山 在孟津縣東七里 調查表

還金山 在孟津縣城東二十五里原名宋家山下有孔道南達偃師清雍正間

縣民翟世有拾遺金於此後還失者奉大中丞田檄易今名 全上

翠微山 在孟津縣東二十八里小寨村南圓舉高聳 全上

同盟山 在孟津縣東三十里叩馬村南 全上

犁鐮山 在同盟山東如農器之犁鐮然故名 全上

又東入鞏縣境曲而北東達於洛汭為神尾山

神尾山 卽邙山尾入鞏縣境東西僅三十餘里山盡處曰神尾山 鞏縣志

嶠山山脈之分支

嶠山山脈之大幹自松果山東至陝西河南交界東出一支入河南境行閩鄉靈寶

界上為閩山又東為漢山又東北為夸父山又東北為荆山又東北入靈寶境其餘

脈盡於函谷關西 此支北有玉溪澗鳩水郎水湖水稠桑河等均北流入於黃河南有宏豐河挾諸小澗水東北流入於黃河

閩山 在閩鄉縣西南七十里一統志山高俯視曰閩縣以此山得名 閩鄉新志

漢山 亦曰喊山在閩鄉縣西南三十里其北有毛家山北與閩底鎮相值 全上

夸父山 在閩鄉縣東南二十八里山海經謂其木多欂楠卽此山 全上

荆山 在閩鄉縣東南三十里卽黃帝鑄鼎處值北有黃帝陵古廟存焉 閩鄉新志

按閩南諸山其脈自秦嶺來故世亦統稱秦嶺山脈

大幹又東南走陝西河南界上越盧靈關起浮山東出一支入靈寶境曰女郎山

女郎山 在靈寶縣西南百餘里傳漢時山下李姓二女年及笄父母爲擇配不允指山曰此卽吾夫家也遂逃之山巔後偕其母羽化而去因名曰夫家山俗呼

娘娘山 靈寶縣志

大幹又西南曲而東北經靈寶境又東南至靈寶界爲雞籠山東南出一支曰馬鹿嶺其西南曰磨面嶺又西南曰門限嶺曰轆轤嶺

馬鹿嶺 在盧氏縣南一百三十里 盧氏縣志

磨面嶺 在盧氏靈寶交界 測量局圖

門限嶺 在磨面嶺西南 測量局圖

轆轤嶺 在盧氏縣西五十里馬鹿嶺西 盧氏縣志

大幹又東北至觀音山東北出一支緣靈寶界分爲二一支西北入靈寶境分西溝河與東馬河一支北入靈寶境屈曲綿亘於澗河斷密河間
大幹又東南入靈寶境南出一支爲黃柏嶺又南爲九龍山

黃柏嶺 在盧氏縣北 測量局圖

九龍山 主山在盧氏縣城北里許連珠九峯半山龍潭九處居中者闊大宏深
盧氏縣志

大幹又東北過鐵嶺又東南爲塔子山南出一支曰伏龍山

伏龍山 在黃柏嶺東其南有望嶺 測量局圖

大幹又東北至廟嶺西北出一支入靈寶境曰雲霧山北出一支曰四莊山

雲霧山 亦名雲台山在靈寶縣南霸底河西 測量局圖

四莊山 在雲霧山東北 測量局圖

大幹又東爲太平砦山又東北東出一支曰牛心山

牛心山 在盧氏東界漢川水出焉 測量局圖

大幹又北至靈寶界爲石塔山王家山轉東至陝縣洛寧交界爲乾山西出一支曰

常燕山又西靈寶境曰寶珠山峴山又西北曰榭山

常燕山 在陝縣境乾山西 測量局圖

寶珠山 在靈寶縣東南三十五里上有老君觀并塚故俗名曰老君原 靈寶縣志